



西莊始存稿卷二十八

頌


平定西陲頌

二十四章  
謹序

乾隆二十有四年我師克定回部逆酋大和卓木  
波羅泥都小和卓木霍集占咸伏誅拔達山汗素  
爾坦沙遣使奉表稱臣西域大定計自軍興至今  
甫屆五載收數十部拓地二萬餘里成

祖志繼

宗功覆載之內咸歸版圖遐荒異域自古聲教不  
通之區咸洋洋乎嚮風慕義願為臣僕十月庚子



捷書聞壬寅羣臣表賀請上尊號

皇帝謙讓不居以成功歸之

天祖庚戌祀

圜止越十有一日壬戌告于

太廟將士賞賚各有差行慶施惠

詔告天下猗歟都哉鴻勳懋績生民以來未之有

也臣鳴盛奉

使聞南比還朝于驛路聞捷音欣躍抃舞伏自思念臣自少喜爲文辭竊欲和其聲以鳴國家之盛

今幸得蒙

九重特達之知不次拔擢列在禁近又適逢我

聖天子德配天地功冠古今之際當盛而鳴正在

此時作爲歌頌播諸樂府附青雲而不朽所欣慕

焉昔者韓愈平淮西碑蘇軾獲鬼章詩功非甚高

而文炳萬古此功之賴文以傳者也元平雲南程

鉅夫作記明平蜀劉基作頌功有可紀而文亦足

錄此功與文之相配而傳者也今日之功爲千古

未有之功而臣文實萬不逮韓愈輩則是功不藉

文以傳而文或庶幾藉功以傳夫伊犁耆定哈薩

克入降布露特內屬繫郵支于闕下收頡利于湟  
中運機可謂神矣二酋授首拔達山歸誠安集延  
向化天山有稽顙之臣月窟置占風之吏樹勛可  
謂峻矣然人仰功之成而未能深原其所以成臣  
所欲闡揚萬一昭示天下後世者則更有進西陲  
之永靖也皆我

皇上一人神謨密運以成之既成之後衆始覺悟  
悔不早爲敦勸豈知當決機定策之初衆口狐疑  
總賴

聰明睿哲剛健中正之大聖人力持一是始克成

此億萬載巍巍之盛烈哉蓋我

皇上之所信者天而已矣天即理也理之所在勢  
不能違中人以下每明于事後而暗于事前者中  
人多惑于勢之有所難而

上聖則斷以理之不可易也何則我

皇上純孝也至仁也上智也大勇也曷言乎純孝  
書有之若作室家旣勤垣墉惟其塗墍茨若作梓  
材旣勤樸斲惟其塗丹雘我國家

列聖繼承重熙累洽乃西顧一隅屢煩軫慮我  
皇上陟降紹庭惟祈上慰

西華如存和 卷二十八 三  
先志終致大業丕承詒謀式廓所謂  
聖人之德無以加于孝萬國之歡合以事其  
先故曰我

皇上純孝也曷言乎至仁已溺已飢之心我胞我  
與之量惟恐一物或失其所彼準夷皆我赤子詎  
忍委諸度外然猶慎重軍興所以三隙可乘而遲  
回未發直至勢有可乘決幾以赴于是義旗所指  
救民于水火塗炭之中而甌脫遺黎不勝其筐篚  
壺漿之慕且前代用兵往往征戍遍于閭左謫發  
及于老稚今則兵行絕漠而海內晏然不知有兵  
其于民也不特不加賦不增算而已且蠲貸之

詔靡歲不下而賑卹之

恩視昔有加軍行所過預免來歲租庸一切輓粟  
輸芻重給腳價而纖毫無累于民此皆從古未有  
之曠典故曰我

皇上至仁也曷言乎上智阿逆初降我如不受終  
有後患迨師出以後我

皇上密勅周防預令擒勦神幾朗鑑洞徹靡遺其  
後因兇渠之反側而適使兩部之削平且旁及鄰  
部次第來歸人跡不通之地語言不同之國航賚

梯琛厥角稽首惟我

皇上默籌全局預握中樞規絕域于指掌之中而不啻燭照數計建奇勲于帷幄之內而宛如聚米畫沙尤有要者今日之成功總由于葉爾奇木哈什哈爾二城之降而二城之降總由于我

皇上豫定勝算于戊寅六月派兵策應遂得陸續進援內外夾攻使二酋股栗魂驚攜孥遠竄假使非豫調之兵早已在途則黑水之圍且不能解而何有于二城之降二酋之斃哉故曰我

皇上上智也有仁孝之德上智之識而濟之以大勇其定謀也如山岳之不可撼其赴功也如金石之不可渝有功必賞有罪必誅而游移之見絕克敵爲果致果爲毅而選輒之習除故得霆奮席卷而底績奏功也其在詩曰天子之功四方旣平夫宣王之平江漢以今視之其地近在肘腋耳然猶賴方叔召虎以成之豈如我

皇上制勝廟堂運籌密勿料事如操左契尅期捷比轉圜然則詩所云天子之功者惟我

皇上乃足以當之寧徒爲歸美之詞云爾哉

微臣

鄙見所及竊思闡揚萬一昭示天下後世者如此

敢拜手稽首而獻頌曰

天眷

皇帝金界所覆

皇則受之萬方在宥雪嶺東西河源左右負固咸

誅來庭恐後右第一章

天本無心雨露雷霆

帝德法

天爵賞兵刑栽培傾覆因物而行敷奏其勇適觀

厥成右第二章

既克伊犁宣威播德魚海波澄龍堆烽息蠢爾花

門尚留餘孽孽由自作乃不可活右第三章

花門之族實繁有徒藐茲二酋為狼為貙背順效

逆自速厥辜我

皇奉若爰奮神謨右第四章

順

天者存逆

天者亡推心固存邦乃其昌師直為壯我武惟揚

皇天助順大啓新疆右第五章

言攻庫車庫車為梗易將整師迅壓彼境信賞必

罰士乃用命執憲洞幾萬里如鏡右第六章

時維兆惠闕如虓虎因捕準夷遂降布露振旅旋  
師直抵回部或搯其吭或擊其脅右第七章

牙璋颯逝鐵騎雲排閑如細柳肅若臨淮既得庫  
車餘力恢恢建瓴破竹朽拉枯摧右第八章

取阿克蘇存沙雅爾烏什和闐傳檄定矣勿憑蟻  
封勿恃鼠技碎葉阜蘭望風披靡右第九章

葉爾奇木實惟崇墉桓桓我師乘勝進攻初疑道  
遠強弩力窮豈知義憤決起為雄右第十章

以客勝主以寡敵眾四百餘人渡河飛鞚拔幟以  
登奪稍而用暫退築堡堅如鐵甕右十一章

築堡伊何黑水之湄孤軍懸駐賊不敢窺成敗之  
分實分于斯神哉我

皇豫定先機右第十二章  
先機豫定戊寅之夏有備無患調兵撥馬聞信

救援星馳電駕鼓角夜鳴從天而下右十三章  
副帥先驅參贊繼至賊人墮膽我軍裂皆箭射訓

狐犀照魑魅遂解長圍遂殲醜類右十四章  
譬彼滄溟用灌微燭譬彼衝風用捲殘籜一片降

幡千羣面縛渠魁既跳二城廼拔右十五章

狡兔離穴游魚失濤追奔逐北搜其窟巢窮投別

部拔達之豪彼豪畏威敢匿逋逃

右第十章

咎以尺筮繫以長纓鯨鯢授首來獻于廷金牙化

洽赤谷風清靡凶不殄靡慝不懲

右第十章

咨爾拔達葵傾藿向感甚投醪歡同挾纊梯舞樓

頭師過枕上西極雖遐皆我亭障

右第十章

天門蕩蕩王道平平材官送喜露版遙傳虎臣脫

劍齊唱凱旋

慈寧稱慶薄海騰歡

右第十章

我

皇之功遠邁堯禹德盛益謙歸之

天祖諏吉祀掃親奉尊俎祥光和氣先見壇宇

右第十章

穆穆紫幄肅肅蘭堂舞我玉梢陳我柘漿神靈懽

喜降福無疆聲教四訖永奠苞桑

右第十章

綜計出師纔五年耳收兩大部拓二萬里女不廢

筐農無輟耒依古訖今孰媿厥美

右第十章

猗歟我

皇允武允文親灑奎藻用紀鴻勳莪莪頰璧勒以

翠珉開惑之篇直匹典墳

右第十章

微臣弁陋敢曰善鳴生當極盛躬被殊榮敬誦舊

西莊女存和  
什以奏新聲

天子之功四方既平

右第二章  
十四章

萬壽聖德頌

二十四章  
謹序

昔史臣之頌堯舜曰欽明文思安安允恭克讓濬  
哲文明溫恭允塞孔子則曰大哉堯之爲君惟天  
爲大惟堯則之蓋德盛化神上下與天地同流史  
臣直指其治之實孔子深歎其道之大其旨一也  
欽惟我國家  
列聖繼承重熙累洽我  
皇上天亶睿哲以聖紹

聖膺圖光宅式是九圍迄于今茲而至誠無息之  
理久道化成之效馴至翔洽薰蒸淪肌浹髓四方  
風動萬國咸寧蓋我

皇上之德堯舜之德也我

皇上之治堯舜之治也歲在庚辰恭逢我

皇上五十萬壽時則西陲蕩平聲教暨訖幅幘式  
廓亘古未有我

皇上覆載生成溥于八埏六幕適際添籌貫昴之  
辰薄海騰歡願以區區之誠進効九如之頌者雖  
兒童婦女荒陬僻澁無不思得一當焉夫

聖德極于無名此如乾坤之容日月之光繪畫有所不能罄也頌禱遍于區寓此如候蟲思奮時鳥思鳴鼓舞有所不自知也嘗竊思之我

皇上盛德大業所以臻于夔絕者有天授之姿焉有日新之學焉書曰亶聰明作元后我

皇上秉首出之姿有徇齊之美純粹至善生知安行無思而無不通不習而無不嗣是天縱之姿也念終敬典遜志時敏抱純純之性而懋勉勉之學緝熙敬止日就月將尊其所聞而高明行其所知而光大是日新之學也蓋自唐虞三代以至孔孟

相傳之道不外一中我

皇上敕幾凝命居則允執其中行則執兩用中以明通公溥飭化源以仁育義正端治體施之于近體國經野綱紀足以運轉寰瀛達之于遠赫聲濯靈智勇足以威懷絕域正朝廷正百官正萬民一中所孚也無私覆無私載無私照一中所擴也我皇上實心實政綜厥大端約有三焉一曰敬天一曰法

祖一曰勤民矢虔恭于夙夜宥密之地如臨如履愆對越于影衾肅駿奔于壇壝珪俎之間或苾或

西華如存和 卷二十一  
芬致潔齋于盱蠻斯我

皇上所以昭格于穆清也盡用人行政之道以監于成憲而家法永垂于以見繩武纘緒之麻合文謨武烈之全以日闢丕基而前光載迪于以徵繼志述事之善斯我

皇上所以陟降而紹庭也寒暑水旱時厯于懷井牧農桑時關於慮蠲租給復截漕平糶之

詔無歲不下而猶常切于已溺已飢河渠海隄疆畝溝澮之修所費不貲而猶軫念于爾畝爾宅蓋凡赤子之待養于慈母也拊畜顧復之保抱攜持

之疾痛疴癢之交通而屬毛離裏之不隔我

皇上之懷保惠鮮噢咻煦嫗亦猶是也而且明實學以造士崇道術以敦儒譽髦羣拔于茅茹楨幹夙儲于杞梓而且時邁省方疇咨民隱量晴課雨親涖桑田蓋君師教養之統我

皇上一人兼集其成于焉視膳而奉安輿問安而承

慈慶尊親極天下之戴色養合萬國之歡猗歟都哉郵治之隆軼羲軒駕堯禹盛矣至矣蔑以加矣夫大德獲福我

皇既有以孚契于隱微保佑自

天彼蒼自有以大宏其誕畀小則風雨調燠煬若  
大則西域底定建千古之奇功胥賴昊旻篤貺神  
運斡旋故犁準夷之庭掃回部之穴五年之間兩  
勲並集蓋順

天者昌理有固然所以窮荒不毛之地葵傾霍向  
雀躍鳧趨奇肱重舌候月來賓烏弋黃支占風受  
吏當茲普天同慶之年正我

皇上萬壽五旬之歲崇禧踵集嘉瑞駢臻健行叶  
不息之占率土上無疆之祝臣謏劣陋姿蒙

恩拔擢茲當高呼華祝之期竊慕巷舞衢歌之盛  
敬竭愚鄙撰

萬壽聖德頌一篇凡二十有四章其辭曰

大哉乾元太和保合

聖壽無疆鴻休允集繞電摛符流虹耀牒寶籙綿

綿璿圖業業

右第一章

帝基長發德契生知神靈首出端拱無爲虎拜揚

休燕喜垂規詩歌天保遐福是貽

右第二章

於穆

天命聿眷有德惟

帝則之昭事弗斁燿火升中陶匏致潔匪繫儀文  
通以呼吸右第三章

皇我

列祖景爍永垂

帝纘厥緒莫丕丕基啟堂斯構築墉斯茨紹聞衣

德永言孝思右第四章

無逸陳圖幾康是勅未明求衣晷晷忘食錫厥庶

民徧為爾德五福斂時永敷

皇極右第五章

皇帝大孝慶萃

萱幃蒸蒸孺慕藹藹春暉承歡色養問寢無違慶

霄表瑞芰莆生扉右第六章

皇帝至仁羣生樂育道被翔行

恩周塹黷愷澤旁流滋液滲漉和氣凝休為亭為

毒右第七章

皇帝至誠不息永貞

皇帝至敬強固精明基維宥密健比天行無疆悠

久保泰持盈右第八章

孝治孔彰介福

王母遊豫娛親

恩先黃耆樂只南山稱觴北斗比戶可封咸登仁

壽右第九章

皇圖式廓坤北無垠曷章孔厚畢昴通津梯山航

海入侍來賓澤以化雨大地同春右第十章

遼遼西域未被

皇風霆掣電掃車攻馬同機沉

睿慮籌斷

宸衷迎長奏凱聿敘武功右第十一章

發揮

鴻功

龍章炳煥辟雍西極琳琅璀璨煌煌翰藻率蒙釋

渙於萬斯年昭回雲漢右第十二章

我

皇作人育爾多士棫樸著化圭璋自矢騰躍菽林

馳驅文軌以引以翼永錫爾祉右十三章

載申

綸綍載

命羣英拜獻先資咸正厥聲金敦玉琢孔思周情

奎璧振采黼黻隆平右第十四章

帝厘如傷求民之瘼痼瘵一體弗隔以膜征輸屢

除凋瘵罕作茫茫九有愷澤磅礴右第十章

豈惟租賦

德音疊蠲太倉有粟爾粥爾饘少府有錢爾貝爾

泉凡百黔黎以生以全右第十一章

天錫

皇帝智周萬物燭照幾先神超理窟卓識開迷鴻

裁鎮粹妙物為言明昭日月右第十二章

天錫

皇帝勇邁武湯絕域畏威欵關相望玉環充獻桃

實承筐至剛至大動罔不臧右第十三章

天錫

皇帝學海淵深日躋聖敬允執道心化成以久睿

知有臨臯財解愠風協虞琴右第十四章

純嘏眉壽繁祉紛紜五行金王八月秋分靈椿媿

歲仙桂含芬賜醑合宴喜溢橫汾右第十五章

閭闔晨啓

皇帝臨宇列辟會同羣工蹈舞輯瑞獻琛鳴簫建

鼓進萬年觴膺斯多祐右第十六章

受祿永綏歷年勿替鼎祚綿休衢謠紹繼鏡獻千

秋山呼萬歲景福歡欣工歌愷悌右第十七章

時和歲豐乃大有慶德水祥開千年清映洛書秘

啓九疇敘正第祿爾康卷阿彌性右第二章

維祺承祐平格時隆書呈金鑑祝軼華封岡陵永

固箕翼光融

鴻基甌鞏億載延洪右第二章

聖駕南巡頌二十章

維清緝熙詩

帝德廣運書惠此南國詩重巽以申命易時乘

六龍易雷出地奮易典禮不易春秋用民必順禮

適觀厥成詩宣昭義問詩不敢自暇自逸書

皇祖有訓書

十有六年春秋降福穰穰詩二十有二年春秋率由舊

章詩羣黎百姓詩曰篤不忘書敢敬告

天子書時邁其邦詩

皇則受之書爰方啓行詩乃擇元辰禮春日載陽

詩

錫鸞和鈴春秋

旂旒央央詩

大孝尊

親禮亦右

文母詩以德為車禮駕彼四牡詩昏定而晨省禮

悉率左右詩安貞之吉易綏我眉壽詩吾儕小人

春秋傳自洗腆致用酒書受茲介福詩德音是茂詩

右第  
三章

聖有謨訓書不惟逸豫書不作無益書節以制度

易惟服食器用書登降有數春秋傳三事大夫詩毋

或敢侵削眾庶禮毋或作為淫巧禮必循其故禮

簡則易從易有秩斯祐詩第四章右

淮海惟揚州書在水一方詩風行地上易而照之

以天光春秋傳

天子始乘舟禮自南河至于江禮

天威不遠顏咫尺春秋傳民說無疆易至于海邦詩

維水泱泱詩

親往視之禮修利隄防禮

天子之功詩既溥既長詩第五章右

周視原野禮平秩東作書厥土惟塗泥書益之以

霖霖詩桑于公桑禮其葉沃若詩民生在勤春秋傳

執事有恪詩巡行縣鄙禮洵訏且樂詩物土之宜

春秋傳求民之莫詩第六章右

河水洋洋詩居國南鄉詩思其艱以圖其易書勉

勉我

皇詩省此徐土詩大為之坊禮水歸其壑禮後順

得常易厥有成績書祀事孔明詩內平外成春秋

永底蒸民之生書第七章

成賦中邦書芒芒禹跡春秋損上益下易兆民允

殖書

命相布德和令禮施舍已責春秋地邑民居禮日

用飲食詩廣哉熙熙乎春秋既飽以德詩百穀用

成書時萬時億詩第八章

五百里米書有截其所詩

命市納賈禮莫不時敘春秋發倉廩賜貧窮禮潤

之以風雨易

帝曰欽哉書以穀我士女詩有孚惠心易昭茲來

許詩第九章

惇宗將禮書夙夜惟寅書利用享祀易懷柔百神

詩山林川谷邱陵禮咸秩無文書肅肅雍雍禮式

禮莫愆詩至治馨香書惟典人天書用能協于上

下春秋綏厥兆民書第十章

天道至教禮釋奠于其先師禮瞻彼中林詩

聖敬日躋詩修其祝史禮自堂徂基詩厥木惟喬

書幽贊于神明而生著易教尊而官正禮惟德是

依春秋傳協于克一書天且不違易右第  
十一

攸服奔走書大官大邑春秋傳惟

帝念功書加地進律禮七十而致仕禮不家食吉

易瑕不掩瑜禮乃用三有宅書蓋之如天春秋傳萬

邦作式書無小無大詩有孚惠我德易右第  
十二

蒸我髦士詩天施地生易其風肆好詩慶賜遂行

禮敷納以言書以考其誠禮論選士之秀者禮以

其彙征易思樂泮水詩適駿有聲詩說禮樂而敦

詩書春秋傳展也大成詩右第  
十三

番番良士書黃髮鮐背詩自

天祐之易行慶施惠禮惟金三品書時加羞珍異

春秋傳貴德而尚齒禮永錫爾類詩民生敦龐春秋

欣喜歡愛禮跂予望之詩鸞聲嘒嘒詩右第  
十四

天生五材春秋傳保大定功春秋賞軍帥武人禮福

祿攸降詩允也

天子詩聽德惟聰書謹以立動禮鼉鼓逢逢詩是

彛是訓書以習五戎禮柔遠能邇書是之謂大同

書十五章右第

燕以示慈惠春秋傳則篤其慶詩百辟卿士詩濟濟

翔翔禮又何予之詩朱芾思皇詩雲上于天易零

露瀼瀼詩順氣成象禮以近

天子之光書敢再拜稽首春秋傳稱彼兕觥詩第十六右

章

所其無逸書念茲在茲書順彼長道詩一日二日

萬幾書朝夕臨政春秋傳

帝曰疇咨書庸庸祗祗威威書必順其時禮

大君有命易雲行雨施易不遑暇食書惟日孜孜

書右第十七章

地載神氣禮竅于山川禮

聖人則之易以陰陽為端禮江之永矣詩悠悠南

山詩或躍在淵易亦傳于天詩

帝庸作歌書極之敷言書五聲和八風平春秋傳而

天地應焉禮右第十八章

百執事之人書實繁有徒書匪匪翼翼禮入里不

趨禮官修其方春秋傳民咸安其居禮

皇帝清問下民書受之以中孚詩小大稽首詩式

燕且譽詩大觀在上易何天之衢易右第十九章

帝光天之下書民人所瞻詩式是南邦詩和樂且

湛詩循行國邑春秋傳罔有弗欽書自古在昔詩以

迄于今詩莫之與京春秋傳與天地參禮惟曰欲至  
于萬年書以矢其音詩二十章

賦

聖駕東巡謁

陵賦謹序

臣聞肇基王迹貽厥孫謀適駿之懿軌也世德作  
求孝思維則錫類之盛儀也

皇帝監於成憲紹聞表德音凡敬天勤民保邦制  
治壹皆歸乎法

祖爰是追淵源於遼瀋感霜露於春秋以乾隆八  
年時邁東土肇稱殷禮距茲十有二載

皇帝深維不數不疏之義重軫致愛致慤之忱恭  
奉

皇太后發京師蒞留都續修祀事禮成廻

蹕猗與都哉洵所謂申錫無疆勿替引之矣按續  
漢書禮儀志西都舊有上陵東都之儀百官四姓  
親家婦女公主諸王大夫外國朝者侍子郡國計  
吏會陵晝漏上水大鴻臚設九賓隨立寢殿前鐘  
鳴謁者治禮畢羣臣就位如儀乘輿自東廂下太  
常導出西向拜止旋升阼階拜神坐退坐東廂西

向侍中尚書陞者皆神坐後公卿羣臣謁神坐太  
官上食太常樂奏食舉文始五行之舞禮樂闋君  
臣受賜食畢郡國上計吏以次前當神軒占其郡  
穀價民所疾苦古今樂錄云漢章帝元和中有宗  
廟食舉六曲加重來上陵二曲爲上陵食舉蔡邕  
獨斷云古不墓祭至秦始皇設起居於墓側漢因而  
不改故今陵上稱寢殿有起居衣冠象生之備皆  
古寢廟之意也光武受命廟稱世祖孝明孝章藏  
主世祖廟而園陵皆自起寢廟天子以正月五供  
畢後上陵以次周徧古人立制周密如是要未有  
仁半親義率祖繼繼承承如今日之隆也小臣媿  
陋倖逢盛典謹拜手稽首而獻賦曰  
天眷有德  
列聖重光我

皇嗣服匪居匪康思締構之艱難慰安樂之怠荒  
不遑自暇自逸時求莫而省方矧伊陪京實王業  
之始基而

真人之舊鄉曩昭陽大淵獻祀事旣將越星紀之  
一周宜盱蠻之再通瞻元宮之松柏懷太室之冠  
裳有典有則不愆不忘維仁孝誠敬慎終如始故

載舉乎新典而祇率乎舊章蓋吾國家之提天綱而頓地維也肇

四祖而垂謨啓

二聖而光宅規震域而拓基握乾圖而奮迹承帝省於闔門有天作之長白丕赫

世祖遂乃載武旆揚義旗蕩祆彗掃鯨鯢大海匯而萬川歸旭日暎而九土晞曰若

聖祖協帝重華三葉旣翦戢弓橐戈中外禔福遐邇一家瞻珠阜之鬱葱慕丹丘之鬼戕禮重卜洛義比先河用三駕以明禋協神人而咸和爰暨

世宗繼志述事當守藩而代祀已展禮而定位洎乎受籙膺符敷仁宣義式廓丕基孝思不匱蓋積十三載之憂勤而大禮厯以一至者固將有所待矣由是稽

列祖之灋式聿照耀而炳麟撫紹庭之永念彌對越之孔殷有舉莫廢有造必因禮官具儀練日涓辰羽仗旣飭鹵薄周環誕啓閭闔誕肅勾陳大丙爲衛方明爲藩昌寓御衣大一夾駟步堯趨舜馳湯驟文奉

慈寧而翬衣曜迓

長樂而春護溫問寢侍膳侍輦扶輪九存爰發七  
萃如雲屏以翠鳳之駕靡以魚鬣之旃駟蒼螭之  
宛宛兮騰玉虬之跋跋曠天狼之威弧兮轟格澤  
之修竿風鳥轉兮揚雲蜺之晻靄華蓋飛兮爛日  
月之璘霏紫衍澶漫常羊搖裔泛泛而填填兮華  
芝葩瑤綵縹而翩翩烜赫滂洋馭沓駸駸總總而  
森森兮金鉦瓊釵琴麗而嶙峋時則槐序方調薰  
風徐扇經乎石槽之村出乎占北之關將緣南天  
之門而屈乎博羅之屯蓋猶未轅夫盛京也先取  
道熱河設帷宮而駐辰罕焉爰有逸聽之侶越裳  
窮髮黑齒雕題貫胸重舌企英聲望茂實怛威報  
德陸讐水慄重譯而受吏縣度而乃達於是期門  
飲飛擁盾執戟徼道外週桎梏夾立而呼韓贊普  
之倫廼奉琛而獻賫頓首而屈膝歡呼兮蹈舞跋  
踏兮拜俯

一人面南離以當陽萬國共北辰之居所事同乎  
格苗功駕乎征扈又奚待指南之車與記里之鼓  
也哉若夫遵吉林之廣澤修獮狩之舊經將以揆  
文講武耀德陳兵鶩鶴張鳥蛇橫魚麗布荼火明  
三驅按節七駟列營輜車霆激驍騎電輶拉犀兕

挖狐麋追獬狢斲狝狝割鮮舉醕大庖不盈遂乃  
透迤而方軌容與而結旌望祭嶽鎮懷柔山靈度  
縣之儀具貍沉之禮成邁囂耿而底景員沂郅室  
而涉豐程爾乃津應析木度躔箕斗朝鮮挾乎其  
左山海控乎其右渾河蘇子遶帶而南行黑水混  
同襟環而北走包乎元菟樂浪之區接乎挹婁扶  
餘之藪香爐寶石勢蚴蟉兮濯龍納鶯鑑澄瀏兮  
十方二臺峯粵乎其首兮松花木葉瀑瀑乎其肘  
兮於鑠哉是誠亥步之所未分禹棊之所未剖而  
孕奇毓異鍾靈聚秀閱億祀而發祥迺流虹而貫

昂于馬卜澗卜渥于馬迺疆迺畝

皇情有喜宸襟爰舒周觀渤碣披覽輿圖豹尾來  
萃雉扇徐驅戢心被志致齋周廬駢牡旣視黜牲  
旣儲昧爽將事肅肅愉愉載祀

永陵開運之隅納綠森聳嘉樹扶疎蓋葛燈土障  
如初祀時之燕胥也載祀

福陵天柱之都玉衣自舉石馬常趨蓋寶城玉砌  
如初祀時之麗膺也載祀

昭陵隆業穹如鬼神呵護龍虎盤紆蓋榮光瑞靄  
如初祀時之紛敷也繼序其皇奕世載德先庚已

西莊如存和 卷二十八  
虞後甲愈惕法盥薦于觀孚占用牲于萃假柘漿  
清鬱酒調酌秬粇炳燁蕭陳以瑤席玉瑱奉以蘭  
藉蕙肴或燔或炙爲臠爲臠廼詔宮懸廼奏謨韶  
廼考筍簋廼舞玉梢于以歌永安于以賦王夏函  
宮吐角應律合雅砮磬鏗鉦鈞轟虺融冶飲福受釐  
奠璧獻聿

列祖居歆昭格上下金支秀華雲車風馬監觀苾  
芬錫以純嘏百禮既竣

車駕幸乎清寧之宮則有文德武功崇政篤恭衍  
慶永福翔鳳飛龍麟趾列西關睢在東軼南頓之

宏敞逾慶善之尊崇蔭粉榆而測景庇桑梓而交  
風爰

賜大酺爰開讌飲比戶各給以牛酒周親序列乎

燕寢甘醴萬鍾嘉幣千品興隆昭其煌煒劈正擬

諸琬琰醉霽淥之觴饗菖蒲之獸而且赦過宥罪

蠲役免租幽明歡欣動植昭蘇吾民何幸得以生

聖人之世托

聖人之居屢覲乎雲日之光華而數被乎德澤之

滂溥也

皇帝睹都邑之盛殷山岳之隱嶙城闕之鉅麗封

圻之遐遠物類之蕃庶人民之樂衍高望遠志從容怡衍孰武宜繩孰緒必纘彼薩爾之許鐵背之山穆然見我

祖之破界藩取廣寧拔撫順入開原而鐵嶺葉赫之胥剗焉彼松山鬱鬱鶯渾言言慨然想吾

祖之提孤軍鏖數萬一鼓先登四路煙散而烏龍諾落成入圖版焉鴻勛駿烈輝光日新斷蛇起漢遂鹿驅秦當重熙之泰運溯草昧之艱辛開創良獨難守文尤不易是故普埏垓以綏懷詒兆庶以樂利餐太和調元氣六符建極九德致治畢育乎

肖翹並生乎喙跂固已篤祐對休覲光揚烈而又

尊

祖敬

宗報本返始文由情生禮緣義起俾仁無不孚孝無不至誠無不周敬無不備然後收四校迴六龍格

太廟告成功開明堂朝羣工斯則我

皇之慎終如始爲孝治之極隆而薄海內外舍生負氣靡不從欲風動而於變時雍也維時百寮師濟咸忭舞而作頌曰

祖德宗功慶綿綿兮

聖孫繼武克光前兮合萬國歡以事

先兮爰逮父老氓庶俱踴躍而稱祝曰大禮重新  
闡澤周兮沐膏詠勤荷天休兮六合九圍獻共球  
兮迺至殊方屬國罔弗延頸舉踵嚮風慕義而歌  
曰

一人孝治奏隆平兮光華復旦永清寧兮億載萬  
年祚

皇清兮

平定準噶爾賦 謹序

聞王者無外故大畏而小懷仁者無敵故邇安  
而遠至我

皇上祇承大業二十載於茲萬國咸寧九有有截  
至於海隅日出罔不率俾維是準噶爾僻處西蕃  
迪屢未靖蝨賊內訌番衆襁負來歸我  
皇上睿謨廣運

命將出師曾未數月不戰而服豐功偉績振古罕  
儷昔商周之詩人頌揚武烈則其詞曰莫敢不來  
享莫敢不來王又曰綏萬邦屢豐年至於六月江  
漢常武出車采薇杜諸篇鋪陳中興之盛巍然

與天地無極臣以菲薄蒙被

厚恩淪肌浹髓誠宜作爲歌詩以發皇隆懿賦者  
古詩之流也謹作賦一篇敢拜手稽首以獻其辭  
曰

天祚

神聖六合雍和中外禔福寰宇一家文軌齊乎要  
荒聲教訖乎幽遐凡梯航之所能達晷景之所能  
加靡弗延頸企踵奉琛獻賁而仰望夫雲日之光  
華伊彼西域路甚阻僻依古以來號三十六國姑  
墨以南月支以北或稱康居或稱疏勒及準噶爾

憑陵構隙挾隼質而難羈懷蜂蠆以作慝昔我  
聖祖三駕西征洗兵條支飲馬長城朔漠青海奠  
定底平爰迨

世宗守文受成媿布昭於湯武軼適駿於文聲然  
猶夙夜兢惕不遑自寧

命敵干而敷甲期掃穴而犁庭蓋不一勞者不永  
逸不暫費者不常寧斯所以蠢茲小醜而致煩  
列聖之經營也暨我

皇上繩武纘緒繼志述事惟揚烈而覲光先保邦  
而制治勤思乎兼容并包而上法乎參天兩地眷

言西顧蓋未嘗一日或忘乎康濟特以彼未貫盈  
故我兵不試于是通貢市示羈縻飭守備謹樊籬  
安臺設卡間諜察譏布塹列壘錯若置碁延期月  
以暫支持一間以出奇孰意醜類如獍如鴟騁蟻  
封以作險鼓螳臂而相持既已自相魚肉致骨肉  
之乖違又虐使其民俾士女之仳儂則有仗義之  
豪率其部曲叩關欵塞匍匐號呼以庶幾乎垂慈  
維我

皇上仁聖明聰我胞我與大順大同切飢溺之由  
已厯恫瘝於乃躬恥一民之失所不啻納諸溝中  
彼甌脫之舊俗拂廬之陋風皆我宇下之赤子而  
今適當夫困窮魚被獺驅而赴壑鳥因鸚逐而趨  
叢有天莫籲無地可容竊聞

大聖人在上德洋恩普咸引領東望曰庶撫我乎  
而何忍獨外之於併蒙不虔秉鉞誰取元兇不清  
安宅誰救哀鴻焉有蚩尤作亂而黃帝無涿鹿之  
一戰有苗勿率而神堯無丹浦之興戎者乎

皇上乃默啓宏圖潛操神算斥浮議於盈廷開  
宸慮於獨斷天順人應事之可乘者時克敵致果  
兵之所忌者緩况乎輸誠之蕃部已熟悉其機宜

西華女不和  
卷二十八  
同處羅之社爾擬百濟之常之我

皇上開誠布公感動心脾新附之衆皆銜恩涕泣  
願得一當以効犬馬之追隨於是

命元戎簡大帥分西北兩路以進討而即用其降  
將爲偏裨爾乃

臨軒而授方略憑軾而聽指揮禁軍羽林先鋒疾  
馳勢速風雨氣壯虹霓張以兩翼統以八旗竟天  
霜刃蔽路雲輜連鶩鸛結魚麗統貔貅奮熊羆猿  
臂之卒虎頭之兒莫不如湍如嶽若翰若飛第見  
函犀七屬浴鐵千羣星流彗掃電擊雷震布常山

之蛇陣驅即墨之龍文轟長戟而如林抗大旗以  
似雲羣旅爭先罔不投袂而起三軍旣拊咸如挾  
纊之温過嘉峪之關渡輪臺之津越乎博克大山  
之萃律經乎他爾氣嶺之嶙峋

王師所過氓庶欣欣黃髮之老垂髻之民効鳧趨  
而抃舞同葵向之殷勤人各安其樵牧農不輟其  
耕芸奉壺漿以相迓願厥角而爲臣於是鳴鼓問  
罪士氣百倍我盈彼竭我奮彼怠倒戈前驅土崩  
瓦解飛渡伊犁之河而龜鼉早架夫橋梁窮追魁  
魯之山而草木皆成夫兵隊脫兔暫時囚猿斯在

西華如不和  
卷二十一  
墜茗危卵更壓泰山灌垤潰螳况傾滄海蓋自  
乾衷決策預定成模故摧枯而拉朽若操券而合  
符降幡纔豎於絕漠露布已達於

皇都永清烽火式廓輿圖覺日闢百里之尚狹信  
月奏三捷之非誣雖有長蛇訓狐封狼貍猶咸執  
訊獲醜而載諸檻車於鑠哉洵足宣恩威於瀚海  
天山之外而靖反側於蒲河葱嶺之區矣且準噶  
爾者承阿魯之苞孽爲額參之苗裔棄契丹北幕  
之鄉得突厥南庭之吐草灘柳谷廣輪遥遥葛水  
葉河襟帶瀾瀾厥田宜禾漢戍已二校尉之所屯

厥野產馬唐西庭兩州牧之所治其西路則黑山  
積鐵白山耀銀火州踏鞞而煙燄沙谷過車而雷  
殷其北路則紇干有雀北鞞無駒越凌山而峻嶒  
冰雪渡熱海而騰沸龍魚其桀驁也如彼其險遠  
也如此自非

至仁如天

至聖如神固莫能決勝九重而伸威於萬里彼夫  
漢降樓蘭唐闢高昌或多其勞費或近在邊疆猶  
足垂諸竹帛銘諸旂常以較今日之丕績夫何足  
以相方也哉於是祀

西華女不秣  
卷二十八  
三

太廟薦瑤觴告

橋陵陳金章晉

寶號於璇宮敷

孝治於萬邦丹鳳銜書於北闕金雞放赦於天閭  
虎臣矯矯而獻馘羽衛森森以成行方將勒貞珉  
編青緇耀琬琰霏琳瑯陋銅柱於伏波軼石鼓於  
岐陽武烈旣張文德載揚義風吹扇仁聲滂洋巍  
矣煥矣茂矣美矣斯則我

皇上所以紹

兩朝未竟之緒而開萬年有道之長者也維時薄

海臣民樂德畏威歡悅欣暢咸翹躍景慕相和而

歌之曰我

皇神武撫窮邊兮師出以律廣幅幘兮我

皇至仁怙冒寬兮救民水火取凶殘兮我

皇大孝克光前兮六合九圍徧尊親兮天眷永固

祖澤新兮億載千祀慶綿綿兮

聖駕南巡賦

謹序

臣聞省方設教

聖人所以求民隱導河周嶽

王者所以察庶政稽古舜典五載一巡狩周官六

西華如存和  
年五服一朝又六年王乃時巡惟夏殷無文鄭康  
成以爲夏殷之制蓋六年一巡狩云孔穎達曰唐  
虞五年一巡狩取五歲再閏天道大備夏殷六歲  
取半一歲之律呂周十二歲象歲星一周也我  
皇上敬

天勤民夙夜不遑自逸曩乾隆十六年春時巡江  
浙百姓翹瞻仰跂喜溢歡騰野習鞠跽之儀衢盈  
擊壤之頌陳香花獻芹曝以鉅萬計亘古稀聞普  
天共慶距今六年再舉鉅典蓋其禮則仿唐虞而  
其期則法禹湯六年之制云臣一介庸陋蹈德詠

仁榮逾恒品茲當

鑾輿南涖寤寐欣躍不勝犬馬慕主之誠謹拜手  
稽首而獻賦曰

歲紀強圉日躔娒訾條風應律輕冰解漸

天子乃載展時邁之典復修肆覲之儀法虞后四  
巡之憲協周官六年之期命太常諏吉日名衛尉  
庀所司整霓旌之晻靄樹翠蓋之葳蕤八神翩其  
衛從五輅紛以陸離日御按節星神扶輜屬車九  
九左龍右螭帷宮敞以宿設列棊栝以環之儼法  
駕之祇肅歷廣涂之邈迤將問俗於徐揚重莅止

西來如不和  
卷二十一  
言  
於江淮堂哉皇哉治本約而澤宏暢上以承  
文母之歡而下以慰億萬姓之望也先是雪嶺遐  
陬渠搜荒裔有準噶爾者控絃鳴鏑作不靖於西  
徼於今數世天啟

聖謨分命武帥揚旌霞明列幕雲衛采入其阻攻  
所不備伊犁朝平格根宵潰面縛溫禺生擒頡利  
頒賞獻俘大赦海內自豎亥所未步博望所不臻  
莫不傳檄而隸都護獻書而詣闕門矧夫星紀之  
分厥惟揚州肇敷土於禹貢籍職方於成周廣輪  
千里既溥且修士食舊德農服先疇緊聲名與文  
物甲於海隅被百年之休養沐

四世之涵濡曩歲之春盛典具舉瞻雲就日

天顏孔愉越今五稔日夜以須効華祝於閭左陳  
夏諺於康衢於焉槐階卿尹棘院臣僚采輿誦聽  
風謠交章封事徹於九霄爰發

明詔舉重光協洽之故事以明年春王正月翠華  
南幸用觀風而展義羣臣百姓翹首頓足望吾  
皇之來如望歲焉既而淮右浙西偏災入告乃頒  
少府之錢出太倉之粟寬正供之租庸留轉漕之  
艫舳振困乏恤孤獨徧族閭被夫屋恩汪濊澤滲

西莊如存和 卷二十八  
澆瘠者以蘇病者以復汜護滋潤何生不育丁男  
絕庚癸之呼鄧里餘三九之蓄雖水旱之非時亦  
人給而家足而

聖主猶且卹然如失芒然以思詔大吏勅有司止  
時巡之役籌補助之宜罷供頓而不事庶康阜以  
爲期惟天祐民惟

聖格天民愠斯解我澤如春原隰繡錯阡陌鱗分  
桑麻芄芄稌黍昫昫太史占之曰大有年百室盈  
止兆人熙然或忭於野或謳於原蒼顏黃口繫壤  
以嬉懷而慕思望

君之來臣工頓首告於

天子

皇曰都哉非予一人之爲其將以溥樂利而敷

孝治也先庚三日令甲疊申省鹵簿之繇飾簡環  
衛之彌文凡道路之灑掃與幄殿之設陳但稍葺  
其舊置靡所更新金錢出諸內府羞膳備諸大官  
却貢獻而弗受屏華侈而弗觀杜因緣之漸防煩  
擾之端猶且賜蠲除加軫卹免經過之租稅除雜  
派之賦役廣鼓鑄之泉刀添牢盆之鹽筴增倉庾  
之積儲阜工商之物力雖千乘萬騎之經行曾不

勞乎供億於是玉鑿乃發春和漸展雪霽神臯天  
垂赤巘翠柳旖旎以颺旌芳草藿靡而承輦山程  
遙駐水驛徐轉駕鰲艦汎龍舸標翠鳳擊靈鼉長  
虹蜿蜒竹捷逶迤望黃流之襟帶循淮浦以經過  
爰出

睿算親閱隄工而指視夫防河垂排決之良法賡  
清晏以載歌將以續前度之碩畫而永靖夫濤波  
奉蓋兮陽侯張旃兮屏翳翩若兮鷗馴於物兮魚  
戲越洪湖而達揚子矗京口之金焦沿練浦而屆  
長洲渺具區之煙水爾其尋靈巖而陟鄧尉也則

有月露高清雲霞蒼蔚冰茁寒梢香舒花氣暨乎  
泛鶯脰而入餘杭也則有六橋桃柳九里松篁射  
潮之港弭節之場若夫莅長干而登秣陵也則有  
北湖南埭虎踞龍盤攝山屢屐淮水汎瀾凡斯佳  
勝花明日麗默數經行悉舊遊地  
玉趾重臨金輿再尋春山更暖春水更深疊沛我  
民之澤以樂我

皇之心於時山童驂篠而麇至野叟扶藜而鱗集  
殷殷闐闐于于繹繹齊傍帷宮同侍赤帟念我  
皇祖六度來臨今猶戴夫昭格仰

聖孫之繩武不我遐棄復屢霈乎甘澤肇茲新典  
實循舊式我民何幸以手加額惟願時巡之歲舉  
而奠我以安宅也且夫德播八紘道式九圍

一人有慶下民攸歸賦政考績

天子之威倘典儀之疎濶俾黔赤其何依况德崇  
者業廣地大者治博承平久則慮其養安待澤繁  
則勤於求莫同遠邇之風聲察好惡於先覺又何  
憚乎遐路之勞而安法官之樂至於芳行詰戎選  
徒講武考蒐田之文循表貉之舉忽鸞矯而鸛麗  
欲搏蛟而剽虎蔑不掣電奔雲銜竿飲羽而且戎  
衣久釋穡事宜先始和布令勸相乘權解駢輟御  
越陌度阡耕夫荷鋤而佇望饁婦載筐以流連塗  
泥厥惟下壤咫尺近乎

天顏當斯時也

聖孝廣

皇仁宣疇不欲進嵩華之祝吟時邁之篇也歟小  
臣至微身被

恩暉抱螻螻之微質仰日月而願依螭頭倮直豹  
尾趨隨愧全家之銜戴勗矢報於捐糜寫微忱於  
葵藿爰齋祓而陳辭遂作頌曰

西莊如存和 卷二十八  
帝臨兮九有眷南顧兮孔厚玉輦兮重迎恩滂沛  
兮惠我氓耕田兮鑿井繫吾氓兮生何幸瞻  
天顏兮懽愉聽黔首兮謳歛吳山兮越水願吾  
皇兮歲至止雅有旣醉兮頌有般昭  
聖德兮億萬春

西域效順大閱禮成賦

謹序

洪惟我國家靈承寶籙德化滂洋六合之內煦嫗  
燾育悉主悉臣蠢茲準噶爾誕敢睚眦跳踉侵欵  
藩落我

皇祖聖祖仁皇帝翦之剔之亦越我

皇考世宗憲皇帝攘之縻之迄我

皇上嗣撫八紘威神旁魄用綏置尉候以填撫絕  
幕迺小醜自作不靖廸屢未同爰

簡虎臣指授方略采入其阻縛其名王渠魁繫頸  
以組獻于闕下其或兔脫獸突者旋亦困斃咸伏  
厥辜于是四衛拉特略皆底平自伊犁泉回鶻諸  
部廓然者定遠至哈薩克回衆胥讐我成烈驤首  
翹足遣其蕃臣奉隸版籍惟謹依古以來未有師  
行枕席中外謐如如今日者而我

皇上復厘大勲之未易集武備之未可弛申令六

西華如不稱 卷二十八  
軍行大閱禮蓋自乾隆四年肇新盛典至是載舉  
焉前期由湯山行宮行幸田盤駐蹕受降爰以仲  
冬甲申朔越三日戊子戾止南苑

皇上躬擐甲胄登臺而涖之八旗都統以下並率  
其屬各奏爾能進退止齊輝赫嚴翼質明始戒日  
晡禮成而右部哈薩克東西布魯特暨塔什罕回  
衆既覲于盤亦得從屬車後立于大次之間仰睹  
盛禮咸矚眙惕息不敢喙動猗歟都哉用以承

天眷篲

祖武懾遐裔亶龕暴底功之極軌已臣海鄙陋儒

孤寒微末荷蒙

皇上拔登上第授職詞垣今歲三月

御試翰詹諸臣

親加詳閱第其高下臣復蒙

恩擢居第一超遷學士茲當大典重光忝列扈從  
忻抃景慕不勝悽悽之私敬作賦一篇庶以敷揚  
聖天子宅中圖大經文緯武至意其辭曰

粵稽古帝楸烈麗鴻文敷懿德武纘戎功丹浦築  
壇俶始有熊中冀致戮遂賓貫胸因壘訖乎七旬  
俘玉及夫三朶策紀徂征之后頌賡捷伐之宗其

戡亂也恃鉤援臨衝之無侮其收寧也必爰舍饁  
獸之攸崇斯六合于焉受贄而八埏庸以來同維  
我

皇上握元符迓景命平泰階懸金鏡協三無齊七  
政合天履中禔福施令抱朴以治含聰以聽圖檢  
甄應璿衡揆正吹萬亭毒蠕動游泳含孳萌生成  
毗榮慶是以炎屬丹崖朔屆幽都長肱窮髮之部  
緩耳雕題之區上德咸被茂仁誕敷懸繩而經絕  
徼飛車以達康衢僉懷惠而怛威傾奉義而不渝  
蕞爾策旺僻居窮荒勢等昆彌地連燒當風雜傑  
昧種兼氏羌朔氣晶以凝白飛沙盆而漲黃狀厥  
么膺則棲睫之焦鵬也語乃鄙瑣則轉丸之蝓蟻  
也何覬覦而暘睽思憑陵以陸梁我  
皇上繩武纘緒善繼善述知有機之可乘庶良時  
之勿失惟斷乃成羣疑不惑乃攄

宸算決

天策開武庫遣龍額禡青社閱赤籍出烝徒發戍  
役六郡之豪七科之謫影纓之技士短後之劍客  
七屬之甲三鋒之戟駢闐砰磕超距投石洶洶隱  
隱誓同袍而盡敵爾乃組練萬騎衲服千軍冒羅

頓乎四表巨刃磨乎九旻跨陰山之積霰踰熱海  
之火雲剪尉犁鏟谷渾躡賀蘭蹴烏孫獵獬豸捐  
夔貳掃祆祲駟埃氛樹土圭以測景定正朔于重  
垠大宛聞風怖駭服馴圍廣輪之遼莫胥面內而  
率臣乃有回人右部紆阻夏遙古誌往牒莫悉厥  
繇惴伏奔走九譯賓朝趨于田盤稽首堂均錫以  
嘉讌大官具庖階列頌磬樂鳴笙篳共飽仁而飫  
義效率舞于箭韶于時元冥持衡素商餞秋白雁  
橫而銜蘆阜雕起而脫鞬冰高靈沼霜凜長楸楓  
樾紅殷于隴首桑柘黃落于層邱應時序之肅殺

詔大閱以揚休其爲地也則近據三輔遠俯九服  
倚雄關以北鎮撫渤碣以東矚闢見離之南苑實  
畿甸之區隩神臯繡而互經諸峰藹以遙轟抗中  
天以爲臺累周垣之虹屬欲揚軍實先以弊禽擇  
飲飛于諸校出中黃于羽林張罝彌壑亘罟緣潯  
下掩虎兕上繳鳩鴛射赤豹之躑躅斲封熊之駸  
駸控麈麋于陽崖拉猱狴于陰岑或應弦以命中  
或徒搏以成擒乃簡軍而蒐乘迴清蹕以式臨爾  
其下六龍之輕輿翳雙鳳之華蓋翼射聲環宿衛  
擁鉤陳簇緹騎舉虵旒曳羽旒搖和鈴激流吹星

游繆旂霓旌承旆揚雞翹之爛編張豹尾之琴麗  
捷獵鱗集璀璨錯棊置揮霍變化縱橫繁會呼若寧  
颺動類奔瀨其或堂堂布陣爲方爲圓排鶴鷺魚  
麗之形變箕張翼舒之觀彙七萃以開闔作六營  
而控圍其或礮車轟較煙氣隱嶙乍火爍以雷燿  
旋鎗進而霆振焰歆山以將翔勢欲野而未燼夫  
何般總總以離合兮孫吳頗牧並駟而相迎也夫  
何鴻淋淋以沛艾兮鄂褒英衛交綏而爭衡也比  
至三宮九宮之旣殫六伐七伐之載更下綏而止  
徒御鼓馘而捲旆旌猶且案衍溶裔剽佼拘怒而  
未平然後返轡乎沕漠之府息神于沖虛之庭顯  
若有翼愴爾感精員穹降祉富媪効靈將騰聲以  
蜚實永篤祐而集慶且夫治兵之制兆自皇古周  
官謂之簡稽月令詳于講武或以章軌物或以習  
射御當三時之暇景曾不廢夫農務故楚有熊丹  
之兵齊有高國之鼓矧一統以無外其可忘夫固  
圍維我

皇上軼軒駕禹視聽聰明德施周普乃猶治益求  
治不遑寧處當九有之會同厯萬年之深慮  
親莅戎行大陳禁旅蓋非特以示威稜而實以豫

西莊始存稿  
卷二十八  
備禦故克斟酌古今聿垂盛舉于焉西靖月窟東  
迄日域執兩用中錫福建極雖瞻洛與車攻羌猶  
未足以企及敬作頌曰

帝德廣運文武聖神流沙遠被渠搜來賓有狡其  
首殘彼準人爰犁其穴以拯其氓衝車百道剷壕  
平闡陸網如天旗旒如雲由蘄旣殄以服大宛大  
宛芒芒亘于西東東旣受款西亦來同鳧趨魚喁  
職貢是共葵傾藿向畢朝于宮用景懋德用懌膚  
功膚功旣集永臻昌期維

帝夙戒武備其咨南苑嗟我張皇六師疾霆迅焱  
車駭馬馳蕃君貊長稽顙受釐稱觴奉贄用希

皇慈

皇慈所溥乾端坤維元德怡怡庶類熙熙於千萬  
年永禔丕基

西莊始存稿卷二十八

西莊始存稿

卷二十八

四

